
PWYLLGOR PENSIYNAU DYDD MAWRTH, 16 MEHEFIN 2015

YN BRESENNOL:

Yn bresennol: Y Cynghorwyr: Stephen Churchman, Trevor Edwards, Peredur Jenkins, Hywel E Jones (Cynrychiolydd Cyngor Sir Ynys Môn), W Tudor Owen a John P. Roberts

Swyddogion:- Dafydd Edwards (Pennaeth Cyllid), Caroline Roberts (Rheolwr Buddsoddi) Gareth Jones (Rheolwr Pensiynau) a Lowri Haf Evans (Swyddog Cefnogi Aelodau a Chraffu).

1. ETHOL CADEIRYDD

Penderfynwyd ail - ethol y Cynghorydd Tudor Owen yn gadeirydd y pwyllgor am 2015/16

2. ETHOL IS-GADEIRYDD

Penderfynwyd ail - ethol y Cynghorydd Stephen Churchman yn is-gadeirydd y pwyllgor am 2015/16

3. YMDDIHEURIADAU

Derbyniwyd ymddiheuriadau gan y Cynghorwyr Margaret Lyon (Cynrychiolydd Cyngor Bwrdeistref Sirol Conwy) a Peter Read

4. DATGAN BUDDIANT PERSONOL

Ni dderbyniwyd datganiad o fuddiant personol gan unrhyw aelod oedd yn bresennol.

5. MATERION BRYS

Diweddariad ar sefydlu Bwrdd Pensiwn Cyngor Gwynedd.

- (a) Yn dilyn proses cyfweld, adroddwyd bod chwe aelod wedi eu penodi ar gyfer y Bwrdd Pensiwn : Anthony William Deakin (Cartrefi Conwy), Victoria Louise Hallaron (Cartrefi Cymunedol Gwynedd), Osian Richards (Cyngor Gwynedd), Huw Trainor (Heddlu Gogledd Cymru), Sharon Warnes (wedi ymddeol - Cyngor Gwynedd gynt) a bod enwebiad un aelod etholedig o Gyngor Gwynedd i'w gadarnhau yn fuan. Bydd cyfarfod cyntaf y Bwrdd Pensiwn yn cael ei gynnal 13eg o Orffennaf 2015. Cyfrifoldeb y Bwrdd Pensiwn fydd cynorthwyo'r awdurdod gweinyddol i sicrhau eu bod yn cydymffurfio gyda'r holl reoliadau, deddfwriaethau a gofynion sydd yn berthnasol i'r cynllun. Bydd y Bwrdd hefyd yn cynorthwyo'r awdurdod i sicrhau llywodraethu a gweinyddiaeth effeithiol ac effeithlon ar gyfer y gronfa.
- (b) Mewn ymateb i gwestiwn nodwyd bydd aelodau'r Bwrdd Pensiwn yn cynnwys tri chynrychiolydd y cyflogwyr a thri chynrychiolydd o aelodau'r cynllun.

6. COFNODION

Llofnododd y Cadeirydd gofnodion cyfarfod o'r pwyllgor hwn a gynhaliwyd ar 24ain o Fawrth 2015 fel rhai cywir.

7. CYFARFODYDD Y PANEL BUDDSODDI

- (a) Cyflwynwyd adroddiad gan y Pennaeth Cyllid yn cynnig addasiadau i drefniadau cyfarfodydd y Panel Buddsoddi. Ers Chwefror 2014 nodwyd bod cyfarfodydd Chwefror a Mai yn cael eu cynnal yn Llundain a chyfarfodydd Gorffennaf a Thachwedd yn cael eu cynnal yng Nghaernarfon. Yn seiliedig ar y cyfnod prawf, amlygwyd bod cynnal cyfarfodydd Chwefror a Mai yn Llundain yn anamserol i'r swyddogion oherwydd pwysau gwaith yn y cyfnod yma gyda'r Strategaeth ariannol / Cyllideb yn mis Chwefror a chau cyfrifon y Cyngor a'r Gronfa Bensiwn yn mis Mai. Awgrymwyd y byddai yn gwneud mwy o synnwyr i drefnu cyfarfodydd Chwefror a Mai yng Nghaernarfon a chyfarfodydd Gorffennaf a Thachwedd yn Llundain.
- (b) Cynigiwyd ac eiliwyd i dderbyn yr adroddiad
- (c) Mewn ymateb i sylw nodwyd bod bwriad dechrau'r trefniant newydd ym mis Tachwedd 2015 a pharhau gyda'r cylch blynyddol hyd nes adroddir yn wahanol.

PENDERFYNWYD DERBYN ADRODDIAD Y PENNAETH CYLLID

8. CYSONI ISAFSWM PENSIWN GWARANTEDIG (IPG)

- (a) Cyflwynwyd adroddiad y Rheolwr Pensiynau er gwybodaeth a chefnogaeth i ariannu meddalwedd ychwanegol arbenigol i gynorthwyo gyda phrosesau gwaith newydd. Ymhelaethwyd ar gefndir y cais gan nodi newid i drefniadau gweinyddu a chyfiroldeb am Isafswm Pensiwn Gwarantedig. Nodwyd bod nifer sylweddol o aelodau cynllun pensiwn Gwynedd yn parhau yn destun asesiad IPG ar gyfer codiadau pensiwn blynyddol neu fel rhan o gyfrifiad trosglwyddiadau. Bydd angen gweithredu yr asesiadau hyn a chysoni'r isafswm yma cyn Mawrth 2018.
- (b) Cyllid a Thollau EM (CthEM) sydd yn gyfrifol am gyfrifo a hysbysu cynlluniau am lefelau IPG, ond y bwriad yw trosglwyddo'r gyfrifoldeb i gynlluniau erbyn Mawrth 2018. Cyn trosglwyddo, bydd angen cysoni'r IPG er mwyn sicrhau bod yr holl IPG sydd ganddynt yn cyd fynd â chofnodion CThEM. Nodwyd bod arolygon cenedlaethol yn dangos lefel uchel o wallau / anghysondebau fydd yn golygu swmp o waith cymhleth, ychwanegol i staff lefel uwch ei weithredu. Amcangyfrifir cost o £300k (costau staff ac adnoddau). Bydd angen tîm o staff i ddechrau ar y gwaith yn ystod Gwanwyn 2016.
- (c) Gofynnwyd i'r aelodau,
 - nodi'r broses cysoni IPG, y gost debygol a'i effaith ar adnoddau'r uned bensiynau.
 - Cytuno'n ôl-weithredol i ariannu'r meddalwedd ychwanegol ar gost oddeutu £8,300 y flwyddyn lawn neu rannol.
 - nodi y cyflwynir adroddiadau diweddarau'r Pwyllgor ar y gwaith o dro i dro a all gynnwys cais ariannu staff dros dro a chais i benderfyniadau ar oddefiant gwallau a lefela diddymu dyled.

(ch) Cynigiwyd ac eiliwyd yn unol â'r argymhelliad.

**PENDERFYNWYD DERBYN YR ADRODDIAD A'R ARGYMHELLION A
RESTRWYD GAN Y RHEOLWR PENSIYNAU**

Dechreuodd y cyfarfod am 2pm a daeth i ben 2:30pm

CADEIRYDD